

խանի ասե. Այժմ քո տեսեալ զիս անձամբս փոքրիկ¹, ոչ առեր զչափ մեծութեան իմոյ. զի ցայժմ ես քեզ առեւծ էի, եւ արդ աղուես. Բայց մինչ ես Վասակն էի, ես² սկայ էի մի ոտնս ի մերոյ լերին կայր, եւ միւս ոտնս իմ ի միոյ լերին կայր³. յորժամ յաջ ոտնս յենուի, զաջ լեամն ընդ գետին տանէի. յորժամ ի ձախ ոտնն յենուի, զձախ լեամն ընդ գետին տանէի: 41 Ապա հարցաներ թագաւորն Պարսից Շապուհ եւ ասե. Աղէ՛ տուր ինձ գիտել, ո՞վ ես լերինքն այնոքիկ՝ զորս դուն ընդ ունջ տանէիր: 42 Եւ ասե Վասակ. Լերինքն երկուք, մի դու էիր, եւ մի թագաւորն Յունաց: 43 Այն մինչ տուեալ էր ինձ Աստուծոյ, զքեզ ընդ գետին տանէի եւ զթագաւորն Յունաց, մինչեւ արհնութիւն հաւրն մերոյ Ներսեսի հանգուցեալ էր ի վերայ մեր, եւ Աստուծոյ զմեզ ի ձեռնանէ չէր թողեալ. մինչեւ զնորա բանն արարաք, եւ խրատ նորա եկաց առ մեզ, զիտացաք տալ քեզ խրատ, մինչեւ մեզէն աչաւք բացաւք անկաք ի խորխորատ⁴: 44 Արդ զինչ եւ կամիս՝ արա: 45 Ապա ետ հրաման թագաւորն Պարսից մորթել զգաւրավարն Յայոց Վասակ, եւ զմորթն հանել եւ լնուլ խոտով, եւ տանել ընդ նոյն բերդ յԱնդմըշն՝ որ Այուլշն կոչեն, ուր արգելին իսկ զթագաւորն Արշակ:

ԳԼՈՒԽ ԾԵ.

1 Յաղագս գերութեանն եւ հարուածոյն աշխարհին Յայոց եւ աւերածոյն, եւ գերութեան տանելոյն ի Պարս, եւ չարամահ լինելոյ տիկնոջն Փառանձեմայ, եւ քաղաքացն Յայոց աւերելոյ, եւ հիմանց աշխարհին տապալելոյ:

2 Ապա արձակեաց արքայն Պարսից Շապուհ ի վերայ աշխարհին Յայոց երկուս ոմանս յիշխանաց անտի իւրոց, միումն Չիկ անուն եւ միումն Կարեն, հինգ հարիւր բիւրով, զի եկեսցեն բրեսցեն քանդեսցեն զաշխարհն Յայոց: 3 Եւ եկին հասին ի վերայ երկրին Յայոց: 4 Ապա իբրեւ ետես տիկին աշխարհին Յայոց կինն Արշակայ թագաւորին Յայոց Փառանձեմ զգաւրս թագաւորին Պարսից, եթէ եկին լցին զաշխարհս Յայոց, առեալ ընդ իւր մարդիկ իբրեւ մետասան հազար ազատս ընտիրս սպառազէսս պատերազմողս, եւ հանդերձ նոքաք դիմեաց եմուտ ի բերդն Արտագերից՝ որ ի յերկրին Արշարունեաց⁵՝ յերեսաց գաւրացն Պարսից: 5 Ապա եկին հասին ամենայն գաւրքն Պարսից, շուրջ զբերդանն նստեին, պահ արկանեին. պատեցին պա-

1 *Օրինակ մի յաւելու՛*՝ եւ սուրն իմ ոչ է ընդ իս

2 *Օրինակ մի՛*՝ ձեզ

3 *Օրինակ մի՛*՝ մի ոտս ի մի լերին կայր, եւ միւսն այլ լերին

4 *Յօրինակի միում*՝ չէր թողեալ. եւ մեզ բարի խրատ ետ սիրել զմիմեանս, եւ հնազանդ լինել տերանց եւ թագաւորացն մերոց. անլուր եղեալ յայտնապէս մեզէն աչօք բացօք եւ խստասրտութեան մերոյ անկաք ի խորխորատ

5 *Յօր.* Արշակունեաց տե՛ս զլ. ԺԹ